

آبونه اولمق ایستینلردا اثره عدلیه ده
اداره مخصوصه سنه مراجعت
ایتملیدر

اعلانانک بهرندن بر مجیدیه اخذ
ایدیلور

نسخه سی ۴۰ پاره در

تجدیدیه

سنه لکی در سعادت ایچون مجیدیه
یکرمی غروش حسابیله التمش
غروشدر

طشره ایچون پوسته اجرتی اوله رق
اون بش غروش ضم اولنور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه به متعلقدر

توضیحات

انقره ولایتی مرکز بدایت محکمه سی حقوق
دائره سی ریاستی ادرنه ولایتی مرکز بدایت محکمه سی
جزا دائره سی رئیس رفعتلو صالح حامی افندی به
ادرنه ولایتی مرکز بدایت محکمه سی جزا
دائره سی ریاستی آیدین ولایتی مرکز بدایت محکمه سی
مدعی عمومی معاونی فتوتلو محمود بکه
آیدین ولایتی مرکز بدایت محکمه سی مدعی
عمومی معاونلکی آیدین سنجانی بدایت محکمه سی
جزا دائره سی رئیس فتوتلو سلیمان افندی به
آیدین سنجانی بدایت محکمه سی جزا دائره سی
ریاستی ایچ ایل سنجانی بدایت محکمه سی جزا
دائره سی رئیس فتوتلو بشیر افندی به
ایچ ایل سنجانی بدایت محکمه سی جزا دائره سی
ریاستی نابلس سنجانی جزا دائره سی رئیس سابق
رفعتلو حاجی خلیل افندی به
قرهجه آباد قضاسی بدایت محکمه سی مدعی
عمومی معاونلکی جسر مصطفی پاشا قضاسی بدایت
محکمه سی مدعی عمومی معاونی عثمان ذکی افندی به
جسر مصطفی پاشا قضاسی بدایت محکمه سی مدعی
عمومی معاونلکی تبه دین قضاسی بدایت محکمه سی
مدعی عمومی معاونی محمد اقبال افندی به
تبه دین قضاسی بدایت محکمه مدعی عمومی
معاونلکی مکتب حقوق شاهانه مأذونلرندن نسب
افندی به تفویض بیورلش ومومی الهمدن محلف
اولمیان نسب افندیکن امر تحلفی در دست اجرا
بولنمشدر.

تبلیغات

«۴۶۱» نومرو لی نسخه ده مندرج تمغا قانونندن
مابعد:
۶ — زراعت بانقه سندن اقراض ایدیلان مبالغه

مخصوص سندانده محرر وکالت وکفالت ورهن
شرح لریله مبالغ مذکوره تحصیلاتی ایچون اعطا
قلنان مقبوضلر.
۷ — امنیت صندوقنک افراد و بردیکی ویا
معاملات داخلیه سنه دائر تنظیم ایدیکی اوراق.
۸ — قباحت و جنحه و جنایت امورینه متعلق
بالجمله معاملات ناطق اوراقنک نسخ اصلیه سی ایله
قانوناً تبیینی لازم کلان صورتلری و رسم مقطوع
تعرفه سنک ۵۷ و ۵۸ نجی نومرولرنده کوستریلان
اوراقندن ماعداد دوائر رسمیه دن جایی متضمن اوله رق
ارسال ایدیلان ورقه لر.
۹ — تمغا قانوننه مخالف معاملات متعلق اولان
ویدنجی فصلده محرر بولنان مذکره واعلاملر ایله
آلتنجی ویدنجی فصللرده کوستریلان ضبطنامه و مصدق
صورتلر.
۱۰ — تیمور یوللر نظامات ضابطه سنه مغایر
احواله و تیمور یوللر اوزرنده وقوع بولان قضالره
دائر اوراق.
۱۱ — قضاة و محاکم طرفندن تنظیم وارسال
اولنان مستوره لر ایله بولنلرک جوابنامه لری.
۱۲ — کوپلی خانلری انشاسنه متعلق مضبطه
ویلانلر.
۱۳ — انتخاب و توجیه مضبطه لری.
۱۴ — اولجه تنظیم ایدلش اولان مضبطه لی
تصدیقاً ویا تفسیراً طبقات مجالسندن ویا خود مکرراً
عین هیئتندن یازیلجق مضبطه لر.
۱۵ — قری و محلات ائمه و مختارانیه پایاس
و خاخالرینک دوائر رسمیه به وظیفه اخبارینه مجبور
اولدقلری و قوعاته دائر اولان علم و خبرلری.
۱۶ — جوامع شریفه و بالعموم مؤسسات خیریه
و مذهبییه نك منافعه متعلق اولان علم و خبر و شهادتنامه
و تصدیقنامه و بیاننامه لر و اخبار ورقه لری.
۱۷ — بر ولایت داخلنده کشت و کذار ایچون
ائمه و مختاران و سائر مأمورین طرفندن اعطا اولنان
علم و خبرلر.

۱۸ — طلبه علومک مدرسه نشین اولدقلرینه
ومرور تذکره لرینک مجاناً اعطاسنه دائر ویریلان
شهادتنامه لر ایله طلبه علوم اجازتنامه لری.
۱۹ — مکتب کشادی رخصتنامه لرله مکاتب
ابتدائییه و دارالمعلمین ابتدائییه شهادتنامه و اهلیتنامه لری.
۲۰ — مکاتب و مؤسسات خیریه و مذهبییه منفعتنه
ویریلان تیارو و قونسر و بالو رخصتنامه لری.
۲۱ — یوز غروشه قدر معاشات و وظائف
اصحابنک برحیات اولدقلرینه و احوال حاضره لرینه
دائر ویریلان علم و خبرلرله سائر شهادتنامه و تصدیقنامه
و بیاننامه لر.
۲۲ — محتاجینه ویریله جک هر نوع علم و خبرلر
و شهادتنامه و تصدیقنامه و بیاننامه لر ایله کذلک محتاجین
حقننده بالعموم دوائر رسمیه به تنظیم ایدیلان اعلام
و حجت و مضبطه و قرارنامه لر.
۲۳ — محتاجین زراعه توزیع اولنسان حیوانه
متعلق مقبوض سندلریله کفالتنامه لر.
۲۴ — هر نوع تکالیف و سائر بالجله وارداته
و منافع عمومیه به متعلق اوله رق دوائر رسمیه دن
افراد تبلیغ اولنان اخبارنامه لرله پوسته و تلفراف
اداره لرینجه علاقه دارانه کوندربیلان هر نوع اخبارنامه لر.
۲۵ — واردات و منافع دولته متعلق افراد
طرفندن دوائر رسمیه به اعطا وارسال اولنان
اخبارنامه لر.
۲۶ — اخبار ایدلکری ماده دن دولایی واقع
اوله جق مصارفک تأدییه سی تمهد اولندیغنه دائر
مخبرلر طرفندن ویریله جک سندلر.
۲۷ — امضا و مهرلر حقننده شهادت و تصدیقی
حاوی شرحلر.
۲۸ — مزایدات و مناقصات رسمیه به داخل
اوله جقلرک تقدیر و تصدیق تروتلری حای اوراق.
۲۹ — حریر تخم لرینک قولو جقه به وضعی
ایچون ویریلان رخصتنامه لر.
۳۰ — حسن حال مضبطه و شهادتنامه لری.
۳۱ — ممالک شاهانه تحفظخانه لرندن چیقان

وشرکاسنک ۲۹ مارت سنه ۳۲۲ تاریخندن اعتباراً اعلان افلاسنه ومصالح افلاسیه نك رؤیت وتسویه سی ضمنده اعضای محکمه دن عزتلو صادق بکک ژورقومیسر ودعوی وکیلرندن حسن خیری بکله ماناسه انا مواترخی افتدینک موقت سنندیک تعینلرینه ومغازه واشیای زائده بیتیه سننک تمهیرینه واوراق ودفاترینک جلبنه وكفالت معتبره ارا نه ایدمه دیکی تقدیرده حبس وتوقیفه وبوباده کی قرارک موقه اجراسنه ایکنجی تجارت محکمه سندن قرار ویرلش اولدیغندن قانوننامه تجارتک ۱۷۰ نجی ماده سی موجبجه دائمی سنديککرا انتخاب اولتی اوزره ۳۲۲ سنه سی نيساننک اون ایکنجی چهارشنبه کونی ساعت الی راده لرنده اصحاب مطلوبك محکمه مذکورده نك مصالح افلاسیه رؤیتنه مخصوص اوطه سنه کلری اعلان اولنور .

محکمه تجارت اجرا داره سنده :

المانيا دولتی تبعه سندن مادموازل قاترینه نك سوریه عثمانی شمندوفر قومانیه سی ذمتنده جهت کفالتدن الاجنی اولان بشییک انکلین لیراسنک تحصیل محکوم اولدیغندن بمحله مبلغ مزبورک مع فائض ومصارف محاکمه تأمین استیفاسیچون شرکت مذکورده نك نافعہ نظارت جلیله سنه مودوع بولسان پاره سندن کفایت ایدمه جک مقدارینک حمزی مومی الیها مادموازل قاترینه نك استداسنه بناء دولت مشارالیهانک درسعادت جنرال قونسولوسانی جانبندن محکمه تجارت ریاست اولاسنه وارد اولان ۲۵ مارت سنه ۳۲۲ تاریخلی تقریرده طلب والتاس قلنمش ومستدعیه حاجزک ادعای ۲۲ مارت سنه ۳۲۲ تاریخنده محکمه دن صادر اولان حکمه مستند اولغله بلا کفالت بشییک عدد انکلین لیراسنک مع فائض ومصارف محاکمه واجرت وکالت بالغ اوله جنی تخمین ایدیلان الی بیك انکلین لیراسنک تأمین استیفاسیچون مدیون سوریه عثمانی شمندوفر قومانیه سنک تجارت ونافعہ نظارت جلیله سنده مطلوبی اولان مبالغدن الی بیك عدد انکلین لیراسنک حمزی ریاست مشارالیهانک ظهر تقریره محرر قرار اقتضاسندن بولنش اولدیغه بناء اولبابده اوج نسخه اوله رق تنظیم قلنان حمزنا ملردن بر نسخه سی نظارت مشارالیهابه وبر نسخه سی حازه مومی الیهابه تبلیغ واعطا اولندیکی کبی دیگر بر نسخه سی دخی شرکت متحجزه مک محل اقامتی مجهول بولتی ملاسه سیله اصول محاکمه حقوقیه نك یکریمی التنجی ماده سنه توفیقاً محکمه تجارت اجرا دائره سی دیوانخانه سنه تعلیق ایدلمکله برابر غیزتلر ایله دخی اعلاننه مبادرت قلندی .

قواله تجارت محکمه سنده :

قوالهده مانیفاطوره جیلقله مشغول ایکن افلاسنه حکم اولنش اولان یاصفاجی مزراهنک مصالح افلاسیه سنک رؤیت وتسویه سی ضمنده دعوی وکیلرندن مصطفی رامن ویا قو ذکی افتدیلر دائمی سنندیک تعین قلنمش اولدیغندن مفلس مرقوم ذمتنده الاجنی اولانلرک تاریخ اعلاندن اعتباراً یکریمی برکون طرفنده سنداتی محکمه کاتبنه تسلیم ایللری ومدت مذکورده ختامندن صکره اوج کونده یعنی شهر نيسانک اوننجی بازار ايرتسی و اون برنجی صالی واون ایکنجی چهارشنبه کونلری سنندیک افتدیلر مواجهه سنده آله جقلرینی اثبات وقیدوتصدیق ایتدیرملری وخلافی حالده قانوننامه تجارتک ۲۱۰ نجی ماده سی احکامک اجرا قلنه جنی اعلان اولنور .

انقره مرکز تجارت محکمه سنده :

انقره نك بالقی بازاری چارشوسنده مقيم ایکن انقره تجارت محکمه سندن افلاسنه حکم اولنش اولان شاملیان میساق ذمتنده اله جقی اثبات ویا موقتاً قید وقبول ایتدیرمش اولان اله جقلورک قانوننامه تجارتک ۲۱۱ نجی وانی ولی ایدن ماده سی موجبجه مفلس طرفندن تکلیف اولنه جق قونقورداتونک مذاکره سی ایچون شهر نيسانک التنجی پنجشنبه کونی محکمه مذکورده نك مصالح افلاسیه رؤیتنه مخصوص اوطه سنه کلری اعلان اولنور .

ارزنجان سنجایی بدایت محکمه سی تجارت قسمنده :

ارزنجانک حکیم اوغلی محله سی ساکنلرندن واونجی صنف تجاردن عاشقیان بزاز دیرانک ۷ مارت سنه ۳۲۲ تاریخندن اعتباراً اعلان افلاسنه ومصالح افلاسیه نك رؤیت وتسویه سی ضمنده اعضادن احمد افتدینک ژورقومیسر وتجاردن لانبو سیمونیدی وقزاز موچیان افتدیلرک موقت سنندیک تعینلرینه ودکاکین واشیای زائده بیتیه سنک تمهیرینه واوراق ودفاترینک جلبنه وکندوسنک موقتاً توقیفه وبوباده کی قرارک دخی موقه اجراسنه ارزنجان تجارت محکمه سنججه قرار ویرلش اولدیغندن قانوننامه تجارتک ۱۷۰ نجی ماده سی موجبجه دائمی سنديککرا انتخاب اولتی اوزره اوجیوز یکریمی ایکی سنه سی مارتنک یکریمی سکرنجی صالی کونی ساعت بش راده لرنده اصحاب مطلوبك صولبخانده مقدما چقوریان نشانک اقامه ایتدیکی مغازه به کلری اعلان اولنور .

درسعادت اعمومات نظامیه اجرا داره سنده :

قولیک قادیسنک مقصود اغا ذمتنده محکوم به الاجنی اولان مبالغه مقابل حمز آلتنه النان ومدیون مرقومک پدری کیغورق ووالده سی المونیا قادیسندن انتقالاً عهده سنده بولنان صباهیه ده حاجی حسین اغا محله سنده کوش حلقه لی زقاغنده واقع تخمیناً یکریمی درت آرشون عرصه اوزرینه مبنی اون بش نومرولو برباب بالقجی دکانی ملک وکدکنک نلث حصه سنک تاریخ اعلاندن اون بش کون صکره بالمزایده فروخته تشبث اولنه جنی درسعادت اعلامات نظامیه اجرا دائره سندن اعلان اولنور .

اسکدار بدایت محکمه سی اجرا داره سنده :

حاجی اصنافندن کر قور ولد اوسبک دیوارچی اصنافندن قره بت ولد کر قور ذمتنده اسکدار بدایت محکمه سی اعلامیه محکوم به آلاجنی اولان معلوم المقدار مبالغت تأمین استیفاسی ضمنده مدیون مرقومک اسکدارده بازار باشی محله سنده میر اوغلی زقاغنده اوتوز درت نومروایله مرقم متصرف اولدینی تخمیناً یوز ذراعدن اولوب اوک تمل دیواریه ایکی یاک دیوارلری انشا قلنمش اولان ودرونده برصهرنج ایله خراب باراقه شکنده کی براوطه نی محتوی بولنان برقطعه عرصه ده کی نصف حصه سنک تاریخ اعلاندن اعتباراً اون بش کون صکره بالمزایده فروخته تشبث اولنه جنی اسکدار بدایت محکمه سی اجرا دائره سندن اعلان اولنور .

آیاصو نامه سی بدایت محکمه سی اجرا داره سنده :

آیاصولی تبعه دولت علیه دن استیفانو ولد حاجی بنایوطک ینه آیاصولی استراتی خرالانبو قوطالی وزوجه سی ریکینه زالبارین ذمتلرنده با اعلام محکوم به آله جنی اولان معلوم المقدار مبالغت تأمین استیفاسی ضمنده مرقوم استراتینک آیاصو تیمارینک کلیسی فوسا موقعنده طرفلری یول وپنایوط واسیل حاجی استراتی واستلیانو لیغور مولادولا املاکیله محاط ونلث حصه اعتباریه مفرز قرق اوج نومرولی برقطعه زیتونلیکیله مزبوره ریکنه نك تیمار مذکورک قیرطارستریا موقعنده واقع طرفلری یول وقوزنی زالبارین ملکله محدود قرق الی نومرولی مفرز دیگر زیتونلک حمز آلتنه آلنش اولدیغندن تاریخ اعلاندن اعتباراً اون بش کون صکره بالمزایده فروخت اولنه جنی آیاصو بدایت محکمه سی اجرا دائره سندن اعلان اولنور .